

Ibidda Waraanaa fi Fitnaa Sheyxaanaa-2

Description

Ibiddi waraanaa fi fitnaan sheyxaanaa wantoota lama nageenya addunyaa fi tasgabbii dhuunfaa booressaa fi jeeqaa jiraniidha. Gar-tokkeen addunyaa ibidda waraanatiin yommuu reebamtu gara biraatin immoo fitnaa sheyxaanatiin jeeqamti. Ibiddi waraanaa haaluma beeknuun boombii fi rasaasan namoota fixu fi qabeenya barbadeessu yommuu taâ€™uu, fitnaan sheyxaanaa immoo bifa lakkaawamee hin dhumne qaba. Sheyxaana jechuun ajaja Gooftaa isaa didee namoota gara badiitti kan waamu jechuudha. Kanaafu, sheyxaana kan ijaan mulâ€™atu fi hin mulâ€™anne jechuun bakka lamatti qoodu dandeenya. Kan ijaan hin mulâ€™anne gosa jinni yoo taâ€™u, karaa namni hin beeknen namatti dhufuun gara badiitti nama waama. Fakkeenyaaf, namni tokko akka kafaruu keessa isaatti hasaasu, waan badaa akka hojjatu isatti miidhagsu fi itti kakaasu. Kan ijaan mulâ€™atu immoo gosa ilma namaa irraa yommuu taâ€™u, zaahiraan (ifaa) namatti dhufuun gara wantoota fokkuutti nama affeera. Fakkeenyaaf, TV, interneeti, fi kkf irratti wantoota fokkuu agarsiisuun namoota jallisu.

Akkuma fakkeenyaaf kanniin irraa hubannutti lamaan isaanitu wanta Gooftaan â€œHin hojjatina!â€• jedhee ajaje diduun wantoota fokkuutti namoota waamu. Namoonni sheyxaanota kanniinif tolee yoo jedhan adabbii hangana hin jedhamne dhandhamu. Rabbiin abbaa ilma namaa kan taâ€™e Adaamin (aleyh salaam) erga uume booda ibliisa (sheyxaana Jinnii) fi Malaaykota Adaamif akka sujuudan ajaje. Malaaykonni tolee jechuun ajaja Rabbii (tabaaraka wa taâ€™aalaa) fudhatan. Ibliisni garuu oftuulun nama suphee irraa uumamef hin sujuudu jedhe dide. Sababa kanaan Jannata keessaa ni bahe. Sababa Aadamiin Jannata keessaa waan baheef gadoo (haalo) baafachuuf warroota amananii fi iklaasa qaban malee ilmaan Adaam hunda isaanitu nan jallisa jechuun dhaadate.

Ibliisni (Sheyxaanni) abaarramaan erga Jannata keessaa ariâ€™ame booda â€œYaa Rabbii hanga guyyaa kaafamanii na tursiisiâ€• jedhee kadhate. Rabbiinis, â€œDhugumatti ati warroota tursiifaman irraayyi hanga guyyaa yeroo beekkamaattiâ€• Jechuun kadhaa isaa deebiseef. Ibliisni ni jedhe â€œJabeenya Keetin kakadhe! Hunda isaanitu nan jallisa. Gabroota kee irraa isaan filatamoo (ykn qulqulleefamoo) taâ€™an malee.â€• (Suuratu Saad 38:79-83) Warroonni filatamoo fi qulqulleefamoon warroota imaanaa fi iklaasa qabaniidha. Akkuma isaan Rabbiif hojii qulqulleessan Rabbiis sharrii sheyxaanaa irraa isaan qulqulleessa ykn eega.

Sheyxaanni karaa adda addaatin nama jallisa. Isaan keessaa gurguddoon yeroo toltuu fi rakkoo carraa argateetti fayyadama. Yeroo toltuu wanta fokkuu namatti miidhagsuun karaa irraa nama jallisa. Yeroo rakkoo fi gaddaa immoo abdii akka kutanii fi Rabbitti kafaran nama taasisa. Wantoota yeroo rakkoo nama muudatan keessaa waraanni, ajjeechan, hidhaan, godaanu fi kkf tarreessun ni dandaâ€™ama. Addunyaa Muslimaa irratti wanti yeroo ammaa adeemsifamaa jiru, namoota jallisuuf sheyxaanaaf carraa guddaa taâ€™a. Sheyxaanni carraa kanatti fayyadamuun, â€œKaafirtoonni qananii keessa jiraatu. Muslimoonni Rabbitti amananii osoo jiranuu akkamitti akkana dararamuu?â€• jechuun hasaasa badaa qalbitti afuufa. Namni hasaasa kana caqasuus imaanni isaa yoo gadi hin dhaabbatin sheyxaana duuka buâ€™uun amanti gadi dhiisu dandaâ€™a. Mee amma gaafii armaan olii haa deebisnu. Addunyaa tana

keessatti Rabbiin (subhaanahu wa taâ€™aala) kaafiroota Isatti kafaranii fi badii babalâ€™isan kan qananii isaaniif baayâ€™isuuf isaan jaallateeti? Qabeenya addunyaa isaaniif kennuun jaalala Isaa ni agarsiisaa? Akkasumas, namoota wanta isaan jibbaniin qoruun jibba isaa ni agarsiisaa?

Sunnaan (karaan) Rabbi akkana: namoonni gara Isaatti deebiâ€™uun akka of gadi qaban hiyyummaa, dhibee fi kkf nin ni qora. Qormaata kana irra barnoota fudhachuun gara Isaa yoo hin deebiâ€™in, qananii addunyaa tanaa itti gadi fura. Ergasii tasa adabbii cimaan isaan qaba. Rabbiin (subhaanahu wa taâ€™aala) ni jedha:

â€œMaaliif yeroo adabbiin Keenya isaanitti dhufe hin warwaannee? Garuu qalbiin isaanii ni gogde. Sheyxaannis waan isaan dalagaa turan isaaniif miidhagse. Yeroma isaan waan ittiin gorfaman dagatan, **balbala waan [gaarii] hundaa isaanitti banne**. Yeroo isaan waan isaaniif kennametti gammadan [osoo isaan hin beekne adabbiin] tasa isaan qabne. Isaan yoosu abdii murattoota taâ€™an.â€• (Suuratu Al-Anâ€™aam 6:43-44)

Qataadan akkana jedha: Ajajni Rabbi tasa namootatti dhufa. Rabbiin gonkumaa namoota adabbiin hin qabne osoo isaan machii cubbuu, of gowwoomsu fi qananii keessa jiraatan malee. Kanaafu, [obsaa] Rabbitiin hin gowwoominaa. Namoota finciltoota malee eenyullee [obsa fi dhiifama] Rabbitiin hin gowwoomu.â€• Tafiir ibn kasiir 3/256 (Xaayba)

Kanaafu, warroota kaafirtootatiin gowwoomu hin qabnu. Rabbiin ni jedha:

وَلَا يَحْسَبَنَّ الَّذِينَ كَفَرُوا أَنَّمَا نُمَلِّ لَهُمْ خَيْرٌ لِّأَنفُسِهِمْ إِنَّمَا نُمَلِّ لَهُمْ لِيَزْدَادُوا إِثْمًا وَلَهُمْ عَذَابٌ مُّهِينٌ

â€œWarri kafaran [adabbii] isaaniif tursiisuun gaarii isaaniif taâ€™uu akka hin yaanne. Kan Nuti isaaniif tursiisnuuf akka badii dabalataniif qofa. Isaaniif adaba xiqqeessatu jira.â€• Suuratu Ali-Imraan 3:178

Mee keeyyatoota armaan olii sirritti itti haa xinxallinu. Addunyaa amma keessa jiraannu tana keessatti biyyoonni guddanne jedhan yommuu badii adda addaa raawwatan, inumaa qabeenya isaaniif dabalama. Kanaafu, wanti kanarra hubannu Rabbiin qananii isaaniif kan dabaluu isaan qoruufi malee isaan jaallateeti miti. Ergasii adabbii nama salphisu addunyaa fi Aakhiratti isaan adaba. Hadiisa Ahmad gabaase keessatti, Ergamaan Rabbi (SAW) akkana jedhan: â€œNamticha badii osoo hojjatu addunyaa irraa wanta inni jaallatu Rabbiin isaaf kennu argitu, suni istidraaja (suuta suutan isa qabuufi) [akka taâ€™e beeki]. Ergasii Ergamaan Rabbi (SAW) ni qaraâ€™e â€œYeroma isaan waan ittiin gorfaman dagatan, **balbala waan [gaarii] hundaa isaanitti banne**. Yeroo isaan waan isaaniif kennametti gammadan [osoo isaan hin beekne adabbiin] tasa isaan qabne. Isaan yoosu abdii murattoota taâ€™an.â€• (Tafiir ibn kasiir 3/256)

Akka fakkeenyaatti, Ameerikaa keessatti [Jiâ€™™a onkololeessa 1 bara 2017](#) keessa namoota 22,000 bashannan muuziqaaf walitti qaban irratti namni Stefen Paddok jedhamu, rasaasa dhukaasun lubbuu namoota 58 galaafate. Namoonni 851 immoo ni madaa’™aan. Ammas Istaanbul keessatti Jiâ€™™a Amajji 1 bara 2017 keessa namoota nightclub (garee halkan sirbanii fi wanta badaa hojjatan) irratti namni tokko dhukaasa banuun, namoonni 39 duâ€™™an, 78 immoo ni madaa’™aan. Osoo isaan badii keessatti lixanu Rabbiin gara isaan hin beekne irraa isaan qaba. Rabbiin ni jedha:

أَفَأَمِنُوا مَكْرَ اللَّهِ فَلَا يَأْمَنُ مَكْرَ اللَّهِ إِلَّا الْقَوْمُ
الْخَاسِرُونَ ﴿٩٩﴾

â€œSila tooftaa Rabbii irraa nageenyi isaanitti dhagahame? Tooftaa Rabbii irraa ummata hoonga’™an malee eenyuttillee nageenyi hin dhagahamu?â€• Suuratu Al-Aâ€™™araaf 7:99

â€œSila tooftaa Rabbii irraa nageenyi isaanitti dhagahame?â€• yommuu jedhu sila adabbii Rabbii irraa, osoo isaan of dagatanii fi badii keessatti lixani osoo jiranuu tasa isaan qabuu irraa ni tasgabbaa’™anii? â€œBadii hojjanuuf hin adabamnu, akka feene yoo taane kan nu qabu hin jiruâ€• jechuun ni yaadu? Namoota hoonga’™oo malee eenyullee adabbii Rabbii irraa hin tasgabbaa’™u.

Kanaafu, namni tokko adabbii Rabbii sodaachun yeroo hundaa of eegganoon tarkaanfachu qaba.

Gara gaafii lamaaffaa â€œMuslimoonni Rabbitti amananii osoo jiranuu akkamitti akkana dararamuu?â€• jedhutti yommuu deebinu immoo, Rabbiin warra amanne jedhan karaa adda addaatin ni qora. Rabbiin (subhaanahu wa taâ€™™aalaa) ni jedha:

أَحْسِبَ النَّاسُ أَنْ يَتْرَكُوا أَنْ يَقُولُوا ءَامَنَّا وَهُمْ لَا يُفْتَنُونَ ﴿٢﴾

â€œSila namoonni â€˜Amanneâ€™™ jechuudhaan osoo hin mokkoramiin dhiifamu yaadu? (Suuraa Al-Ankabuut 29:2)

Rabbiin subhaanahu wa taâ€™™aalaa namoota amanne jedhan osoo isaan hin qorin akka hin dhiisne ni beeksisa. Osoo isaan qoruu baate fi akkanumatti isaan dhiise, silaa dhugaan soba irraa, namni haqaa nama kijibaa irraa adda hin bahu ture. Garuu seerri Rabbii uummattoota darbanii fi kan ammaa, fayyaa fi dhibeen, nageenya fi waraanan, durummaa fi hiyyummaan fi kkf nin qora. Qormaanni kunniin haala shakkii fi fedhii lubbuutin imaanaa namticha ni qoru. Namni yeroo toltuu fedhii lubbuu irraa of qabuun wanta Rabbiin itti ajaje hojjate fi wanta Inni irraa dhoowwe dhiisu, qormaata darbuun imaanni isaa ni jabaata. Akkasumas, namni yeroo rakkoo shakkii qalbii isaa irratti buâ€™™u ofirraa ittisuun imaana irratti gadi dhaabbatu, qormaata kana ni darba.

Fuggisoo kanaa namni yommuu shubahaata (dhugaa fi sobni walitti naqaman) shakkiin qalbii isaa kan miidhu yoo taâ€™™e, hanqinna imaana isaa argisiisa. Akkasumas, yeroo toltuu fedhii lubbuu hordofuu fi

ajaja Rabbii irraa garagaluun badii hojjatu, hanqinna imaana isaa agarsiisa. Mee akka fakkeenyyatti waggoota darban kanniin keessatti wanta biyya keenya keessatti dhalate haa ilaallu.

Kanaafu, yeroo toltu fi rakkoo wantoonni lama nama qoruu jechuudha. 1ffaa yeroo rakkoo Shakkiin namatti buTMu, 2ffaa yeroo toltuu Fedhiin Lubbuu (shahwaat) nama hurgufuudha. Inumaa yeroo toltuu shakkiin itti dabalamuun qormaanni akka ulfaatu taasisa. Lamaan isaanii irratti obsa barbaachisa. Rabbiin gadi dhaabbannaa nuuf haa kennu.

Akkuma yeroo ammaa arginu kana Muslimoonni gara tokkoon durummaan qoramu, gara tokkoon hiyyummaan qoramu, gara biraatin immoo waraanaan qoramaa jiru. Nuti wanti nurraa eeggamu, TM“Rabbiin maaliif kana hojjata?” jechuun gaafachu osoo hin taTMin, obsa qabaachu, furmaata barbaadu fi gara Isaatti deebiTMuun araarama kadhachuu qabna. Namoota qoruu seera Rabbii kan hin jijjiramnee waan taTMeeff. QurTMaana keessatti, **Karaa Rabbii keessatti jijjirama wayitu hin argitu** (suuratu al-Ahzaab 33:62) Rabbiin ni jedha:


 لَا يُسْأَلُ عَمَّا يَفْعَلُ وَهُمْ يُسْأَلُونَ

Inni waan dalaguu irraa hin gaafatamu, isaan immoo ni gaafatamu. Suuratu Anbiyaa 21:23

Rabbiin wanta hundaa beekumsaa fi ogummaan waan hojjatuuf eenyullee Isa gaafachu hin dandaTMu. Mootii fi Gooftaa addunyaa taTMee osoo jiru mootummaa Isaa keessatti eenyutu Isa gaafataa? Namoonni gabroota Isaa waan taTManiif wanta hojjataniif ni gaafatamu.

Qormaata yeroo ammaa adeemsifamu yommuu arginu aaya tana yaadachuun tasgabbii nuuf kenna:

أَمْ حَسِبْتُمْ أَنْ تُدْخَلُوا الْجَنَّةَ وَلَمَّا يَأْتِكُمْ مَثَلُ الَّذِينَ خَلَوْا مِنْ
 قَبْلِكُمْ مَسَّتْهُمُ الْبَأْسَاءُ وَالضَّرَاءُ وَزُلْزِلُوا حَتَّى يَقُولَ الرَّسُولُ وَالَّذِينَ
 ءَامَنُوا مَعَهُ مَتَى نَصْرُ اللَّهِ أَلاَ إِنَّ نَصْرَ اللَّهِ قَرِيبٌ

Sila osoo [qormaanni] fakkaataa warra isin dura darbanii isinitti hin dhufin Jannata seenuu ni yaadduu? Hiyyummaa fi rakkinni hamtuun isaan tuqxe; hanga Ergamaa fi warri isa waliin amanan Sila gargaarsi Rabbii yoom [dhufa]? jedhan gahanitti shororkeeffaman. Eeyyen! Dhugumatti, gargaarsi Rabbii dhiyoodha. (Suuratu al-Baqarah 2:214)

Qormaanni ykn rakkoon akkuma warra isiniin duraatti dhufetti isinittis osoo hin dhufin Jannata waan seentan isinitti fakkaataa? Hanga Ergamaa fi warri isa waliin amanan Sila gargaarsi Rabbii yoom dhufa? jedhan gahanitti hiyyummaa fi rakkoon isaan sochoose (shororkeesse) jira. Dhagayaa!

dhugumatti gargaarsi Rabbii dhiyoodha.

Garuu gargaarsi Rabbii kan dhufu yommuu obsa qabaanne fi badii keenya amanne gara Isaa deebinedha. Jannani Rabbii meeshaa qaalii (baayâ€™tee wuddii) waan taatef obsa nu barbaachisa.

Guduunfaa

â€™ Sheyxaanni yeroo toltuu **baditti nama kakaasun**, yeroo rakkoo immoo **abdi nama murachisuun** nama qora.

â€™ Namni gamni yeroo toltu fedhii lubbuu hordofuu irraa of qabuun, yeroo rakkoo obsa qabachuun injifannoo fi milkaaâ€™inna argata.


â€™ Rabbiin qabeenya kaafiroof kan baayâ€™isuuf isaan jaallate osoo hin taâ€™in isaan qoruu fi yoo badii isaanii irraa hin deebiâ€™in, adabbii nama salphisu tasa isaan qabuufi.

â€™ Nama badii hojjatu fi qananiin isaaf dabalamu yommuu argitu, Rabbiin tasa isa qabuuf akka taâ€™e hin dagatin. Kanaafu, qanani isaatin hin gowwoomin.

â€™ Dhugaa fi soba, wanta gaarii fi badaa addaan baasuf namoota amanne jedhan Rabbiin oltaâ€™e karaa adda addaatin isaan qora.

â€™ âœWantoonni lama qalbii balleessu. Isaaniis; **Shubahaata (dhugaa fi sobni wal fakkaachu ykn shakkii) fi shahwaat (fedhii lubbuu)**. Shakkiin beekumsaa fi aqiidaa balleessa, fedhii lubbuu hordofuun immoo niyyaa nama jalaa balleessa.â€• Ibn Al-Qayyim

Abshiir, yeroo rakkoo dallanuu fi yeroo toltuu fedhii lubbuu hordofuu irraa obsi, kan mooâ€™atu fi milkaaâ€™u sihi! Abshiir, Rabbiif ajajamuu irratti obsi boodden gaariin warra obsanii fi Rabbiin sodaataniifi. Warroota Jannata seenan akkana isaaniin jedhama:



âœWaan obsitaniif nageenyi isin irratti haa jiraatu; gandi boodaa waa tole!â€• Suuratu ar-Raâ€™ad 13:24

Rabbiin subhaanahu wa taâ€™aalaa qormaata irratti akka nu jabeessu fi nu gargaaru nan kadha.

Kitaabban wabii

Tafsiir ibn kasiir, Tafsiir Qurxuubi, Tafsiir Abdurahmaan Naasir Saâ€™diyy fi legacy.quran.com itti fayyadame jira.

Date Created

March 31, 2018

Author

admin